

КІЕЛДАЙ ЦІЙИ ЙИС МУБАРАКРАЙ!

РД-дин АХЦЕГЪ РАЙОНДИН ОБЩЕСТВЕННО-ПОЛИТИЧЕСКИЙ ГАЗЕТ

ХУШ СЕФЕР КВЕЗ!



Росси-ядин вири пипера хьиз, чи районда-ни чирвилерин Югъ къейдзава.

Кіелунин ційи 2019-2020-йис лайхлудаказ кършиламишун патал чи школайра ремонтдин хейлин кваллахар тамамарнава. Чирвал еке къуват я гъвайда лугъзвайди туш. Чи жегилар школада дерин чирвилер къачуна, уьмуьрда лайхлу чка кьун патал кевелай алахъна кІанда. За чи муаллимриз, абурун ученикриз чирвилерин Югъ риклин сидкьидай мубаракзава. Хуш сефер хьуй квез, жегилар!

«Ахцегъ район» МР-дин кьил О.М.АБДУЛКЕРИМОВ



1928-йисалай акъатзава

№36 (8693), арбе

12+

ЩИШИ ДУЪНЪЯ

28-август, 2019-йис. Газет гъафтада садра акъатзава.

Къимет 10 манат

РФ-дин ГОСУДАРСТВОДИН ПАЙДАХДИН ЙИКЪАН ГЪУЪРМЕТДАЙ



22-августдиз РФ-дин Государстводин пайдахдин Йикъаз талукъ серенжемрин сергъятра аваз «Сад тир Россия» партиядин ва «Сад тир Россиядин жегил гвардия» ВОО-дин ДРО-дин векилрин дестеди санал Россиядин триколордин 350 йисан гъуьрметдай Махачкъалада

ватанпересвилин метлебдин серенжмар киле тухвана. Мисал яз, республикадин меркездин СтІал Сулейманан тІваруних галай паркда авай 20-асирдин Гомер, Дагъустандин халкъдин шаир СтІал Сулейманан памятникдин вилик РФ-дин ва РД-дин спилс-картаяр йигиндиз кІватІунин рекъай, Россиядин пайдахдин рангар алай ленточкаярни и суварин тарихдиз талукъ буклетар пайдай майдан ачухнавай. Аялри асфальтдал сувариз талукъ шикилар Чугъзавай.

Ина «Россиядивай жада» тІвар алай выставкани киле тухвана. Адан мурад инсанар Россияда спортдин еке серенжмар тешкилуни ва киле тухунин тарихдин кьетІенвилерих галаз танишарун тир. И выставкадиз килигиз атайбурухъ эхиримжи йисара Россиядин спортсменри къазанмишнавай агалкъунрин гъакъиндай делилрихъ

галаз таниш жадай мумкинвал хъана. Абурун гъуьрметдай дуьньядин гъар жуьре пипера Россиядин Федерациядин Государстводин пайдах хкажна.

Россиядин пайдахдин Йикъаз талукъ серенжмар чи райондани тешкиллудаказ киле фена. Хейлин маса чкайра хьиз, ДДТ-дин муаллимри и лишанлу йикъан гъуьрметдай мярекат киле тухвана. Адан мурад тарихдин месэлайрай аялрин чирвилер гегеншарун, абурухъ чпин Вагандал дамахунин ва ам кІан хъунин гьисс арадал гъун тир. Мярекатдин вахтунда ДДТ-дин муаллимар тир Салима Нурмегъамедовади ва Гъажибег Алимова В.Эмирован тІваруних галай паркда аялриз РФ-дин Государстводин килин лишанрикай суьгъбетарна, пайдахдин шикилар Чугуна.

АГЪАЛИЯР КЪАБУЛНА

Ийикъара РД-дин юстици-ядин министрдин заместитель С.Караченцева, гъа и Министерстводин отделдин начальник Ш.Гъажиеменова, РД-дин здравоохраненидин Министрстводин правовой рекъай таъминарунин отделдин пешекар-эксперт А.Ибрагъимова, гъакІни «Ахцегъ район» МР-дин администрациядин отделдин ва райондин Управленийрин регъберри МФЦ-дин филиалда агъалияр къабулна. И вахтунда иниз 30 далай гъаф инсанар атана. Абурув яшайишдинни коммунальный майишатдиз, чилинни эменнидин алакъайриз, сагъламвал хуьниз ва социальный рекъай таъминаруниз талукъ арзаяр гъай. Гъукумдин векилри агъалийри кудай вири месэляяр гувъживилик кутунава.

КАР АЛАЙ ПРОЕКТАР – УЪМУЪРДИЗ!

ЯШАЙИШДИН ДАРАМАТАР ЭЦИГУНИЗ 1,5 МИЛЛИАРД МАНАТ ЧАРА ИЙИДА



Мукъвара РД-дин Гъукуматдин Къилин заместитель Абдулмуслим Абдулмуслимов республикадин Кьиблепатан са шумуд райондин кьилерих галаз гъуьрушмиш хъана. И вахтунда ада Ахцегъ, Мегъарамдхуьруьн ва СтІал Сулейманан тІваруних галай районрин регъберрих галаз санал анра бязи хуьрера яшайишдин манадин дараматар эцигун патал проектдинни сметадин

документар гъазуруниз талукъ месэла веревирдна. Гъуьрушмишвиле гъакІ «Дагсельхозстрой» ГКУ-дин директор Мегъамед Юсуповани иштиракна.

Къейдин, хуьрера яшайишдин дараматар РФ-дин «Хуьрерин территорияр комплексдин къайдада вилик тухун» госпрограммадин сергъятра аваз эцигда. И мураддиз 1,5 миллиард манат пул чара ийида.

ОБРАЩЕНИЕ

Уважаемые жители Ахтынского района!

Р.Х.ХАСПУЛАТОВ, начальник МО МВД России «Ахтынский»

В связи с проведением на территории Ахтынского района праздничных мероприятий, посвященных Дню знаний, межмуниципальный отдел МВД России «Ахтынский» обращается к жителям района с просьбой:

- в случае обнаружения бесхозных вещей и предметов, вызывающих подозрение, не прикасайтесь к ним, воздержитесь от использования мобильных телефонов вблизи данного предмета. Сообщите о находке в правоохранительные органы;

- не приближайтесь к подозрительным предметам, которые могут оказаться взрывными устройствами,

и не предпринимайте никаких действий с ними – это может привести к их взрыву.

Если вы располагаете информацией о подозрительных лицах, наличии у граждан взрывчатых веществ, оружия и других запрещенных предметов, просим незамедлительно сообщить об этом в правоохранительные органы.

Телефоны «горячей линии»:

- МВД по РД: 99-45-00 (дежурная часть);

- межмуниципальный отдел МВД России «Ахтынский»;

(дежурная часть) 02, 23-0-29, 98-44-27, 98-44-28

МУАЛЛИМРИН АВГУСТДИН КОНФЕРЕНЦИЯ

МАТЕРИАЛРИННИ АЛАТРИН БАЗА МЯГЪКЕМАРЗАВА

Дашдемир ШЕРИФАЛИЕВ

26-августдиз Ахцегъ РДК-дин тамашачийрин залда райондин муаллимрин августдин конференция киле фена. Ам, муаллимриз Кіелунин ційи йис тебрикуналди, райондин образованидин Управленидин (РУО) начальник Алмас Гъажиева ачухна ва киле тухвана. Конференциядин кІвалахда муаллимилай алава (чІехи зал саки аІанвай) «Ахцегъ район» МР-дин кьил Осман Абдулкеримов, депутатрин райсобранидин председатель Абдул-Керим Палчаева, райадминистрациядин килин заместитель Алмас Шуаева, райондин Общественный Палатадин председатель Али Исмаилова, Ахцегъ ва Докъузпара районрин арадин ОВД-дин начальник, полициядин подполковник Руслан Хаспулатова, райондин образованидин къуллугъчийрин профкомдин председатель Хайруллагъ Алиева, муаллимвилин зегъметдин ветеран Патрудин Азизагъаева ва масабуру иштиракна.

«Алай девирдин образование: ційи истемишунар, мумкинвилер, жавабдарвилер» - темадай доклад (ам чна газетдин къведай

нумрада гуда) РУО-дин начальник Алмас Гъажиева авуна. Кьилди къачуртга, ам эхиримжи йисуз райондин образованидин къу-

рулушда жезвай дегишвилерал акъвазна, залдавайбурун дикъет ЕГЭ ва ОГЭ-дин нетижайрал желбна ва Кіелунин ційи йисуз вилик квай месэлайрикай, девирдин ційи шартІара аялриз дуъз тербия ва дурумлу чирвилер гунин карда диде-бубайринни муаллимрин жавабдарвилакай рахана.

Доклад алава хъувун яз, виликамаз гъазурнавай темайрай трибунадихъ Хуьруьгрин школада сифтегъан классрин муаллим Салам Гъажилаев, Ахцегърин 2-нумрадин СОШ-дин муаллим Минара Къухмазова, Луткунрин СОШ-дин муаллим Амина Абаскъуьлиева, «Жегил космонавт»

→3



АХЦЕГЪ РАЙОН ТЕШКИЛАЙДАЛАЙ ИНИХЪ 90 ЙИС ТАМАМ ХЪУНИЗ ТАЛУКЪ ЯЗ

ЛЕЗГИ ХАЛКЪДИН БИЛБИЛ

Джонрид АГЪМЕДОВ

РСФСР-дин халкъдин артистка Рагъимат Гъажиевадин тварци Дагъустандин искусстводин къакъан цаварилай эдеби яз, экуьнин гьетре хьиз, нур гуз жеда. Адан твар Дагъустандин искусстводин бинеяр кутур зурба классикар тир живописец Муратдин Джемал, скульптор Хасбулат Аскар Сарыджа, дагъустанви сад лагъай актриса Сафият Аскарва, вичикай Чехи театрдин дамах ва гуьрчегвал хъайи балерина Алла Жалилова, СССР-дин халкъдин артисткадин твар къачур Къумукърин театрдин актриса Барият Мурадова, композитор Мурад Кажлаев, хореограф Танхо Израиллов, Дагъустандин пешекар музыкадин бине кутур Государстводин премийрин лауреат Готфрид Гъасанов хътин ксарин жергеда гьатнава.

Рагъимат Гъажиевади Дагъустандин пешекар культурадин бинеяр кутуна лагъайта, са кIусни ягъалмишвал жедач. Ам музыкадин майданрал экъечлай девир алатай асирдин 20-йисарал ацалтзава. А вахтунда лагъайта, Дагъустандин общество гьелелиг диндинни шариатдин къадагъайрин чилинай акъатнава.

Дишегълидин къадар-къисмет кIвалин къене, хизанда агал хъунай, итимдин гафунал гаф эциг тавунай, вичин гьиссер ачухдаказ санални къалуриз тахъунай акъазвай. Гъавилай а девирдин рушарин манийрани къадарсуз пашманвили, къисметдилай наразивили чехи чка къазва.

Рагъимат Гъажиева дагъви рушарикай сад лагъайди яз, ада сегънедиз экъечIна, манияр лагъана. Ада дишегълидилай искусстводин лап къакъан кукIушрихъ хкаж жез алакьдайди субутна ва Дагъларин уьлкведин музыкадин культурадин фондунда вичин тIвар къизилдин гьарфаралди къуиз туна.

Рагъимат Гъажиева 1909-йисан 1-июлдиз Самур округдин (гила Ахцегъ район) Ахцегърин хуьре гъа девирдин муаллимдин (алимдин) хизанда дидедиз хъана. Адан буба Абдулмуталиба чкадин медресе акъалтIарнавай. Ам дерин чирвилер авай, кIвенкIвечи фикиррал алай, жемятдин арада гуьрмет авай инсан тир.

Рагъиматан аял вахтар Ахцегъа акъатна. Адан диде лагъайта, лезги халкъдин гзаф манияр хуралай чидай ва абур вичивичиз тамамарни ийидай инсан тир. Рагъиматан япара гъеле къепIинамаз лезги манидин ван гьатна. Гъа ихътин руш 1915-йисуз вичин хизандихъ галаз Ахцегъай Бакудиз акъатна. Эхъ, Ахцегъа къил хуьз тежезвай хейлин хизанар а чIавуз са къас фу къазанмишун патал Бакудиз физвай.

Абдулмуталибан хизан Бакуда къисметдай Азербайжандин тIвар-ван авай композитор, вич дуьньядиз машгур хъанвай «Аршин-мал-алан» тIвар алай музыкадин комедия кхъенвай Узеир Гъажиегован хизандин къуншидал акъатна. Рагъиматакай Узеир Гъажиегован хтул руш Мегъбубадин дуст хъана. Гъа и дуствилин негъижада Узеир Гъажиеговаз вичин хтулдихъ галаз кIвализ къезвай ахцегъви рушахъ къетIен сес авайди акуна. Ада лагъана: «**И лезги рушакай зурба артистка хун лазим я**». Ада неинки рушан тарифна, гъакI адаз вичин сес ачухдай, хъсандиз манияр лугъудай мумкинвални гана. Мукъвал-мукъвал ви-

чин кIвализ эвериз, Рагъиматан сесинихъ яб акализ, адан манийриз нотаяр кхъиз хъана. Ара-ара вичини абур тамамардай.

ИкI, аял чIавалай Рагъимат чпин вири уьмуьр музыкадин искусстводиз бахшнавай инсанриз мукъва хъана. И карди адан вири къисметда еке роль къугъвайдал са шакни алач.

Са къадар вахтарилай, хизандин месэляяр себегъ яз, Рагъимат мад Ахцегъиз хъана. И чIавуз ада Бакуда 3-класс кубъгънавай, гъавилай адакай Ахцегъиз хтайвалди районда сад лагъай аялрин бахчадин тербиячи хъана. Ахцегъиз хтайдалай къулухъни, Рагъимата Узеир Гъажиегован хизандихъ галаз алакьаяр атIанач. Вичин дуст Мегъбубадин теклифдалди Рагъимат Бакудин дишегълийрин муаллимрин институтдиз гъахъна. Ана ада къве йисуз лап хъсандиз кIелунихъ галаз сад хъиз, композитор Узеир Гъажиегован патав музыкадин рекъяйни чирвилер къачун давамарна.

Уьмуьр гъамиша рагъ алайди жезвайди туш. Рагъиматан къисметдизни гъахътин четинвилер атана. Институтдин къве курс къуьтгъна Ахцегъиз каникулриз хтай руш бубади тади гьалда гуьлуьз гана. Рагъиматакай гила чкадин школада муаллим хъана.

1927-йисуз ам вичин итим Керимханни галаз Хунзахиз рекъе туна. Ана муаллимвиле кIвалахиз, Рагъиматаз чкадин аялривай авар чIални чир хъана. Амма гъам Ахцегъа ва гъамни Хунзаха кIвалахдайлани жегъил муаллимди вичин рикI алай пеше-манияр лугъун рикIелай алуднач. Гъар тарсарикай азад хъайила, ада аялар санал кIватIиз, манияр лугъудай. Хунзаха кIвалахдайла адаз авар халкъдин хейлин манияр чир хъана. Гуьгъуьнлай абур адан репертуардани гьатна.

Образованидин хилез Рагъимата вад йис бахшна. Амма артистка хъунин мурад адан рикIяй акъатзава. Гъеле Ахцегъа кIвалахдайлани ада вичин бубадихъ ва стха Режебалдихъ галаз санал чкадин театрдин дестедиз кумекар гузвай. А чIавуз дишегълир-артисткаяр авачирвилай папарин ролар итимри тамамарзавай. Майдандиз зурба драматург ва режиссер Идрис Шамхалов атайла, ада вичин «Периханум» тIвар алай пьеса сегънеламишдайла (ана вири гьерекатар дишегълидин образдихъ галаз алакьалу я), ихътин важиблу роль тамамарун итимдилай алакьдай кIвалах тушиз акуна (пьесада дишегълийрин пашман манийри гзаф чка къазва), ада а роль тамамариз Рагъиматаз агун теклифна.



Рагъиматахъ гуьзел буй-бубахни, гъахътин сесни авайди Идрисаз хъсандиз чизвай. Рагъиматан буба Абдулмуталибавай Идрисаз ваь лугъуз хъанач. Гъа икI, Рагъимат Гъажиевади чкадин мектебдани кIвалахиз, Ахцегърин халкъдин театрда артисткавални авуна. Ада сифте яз сегънедилди Перихануман къадар-къисмет ва адан руьгъдин къамат ачухна.

30-йисара Рагъиматан къисметда рикIелни текъведай хътин дегишвал хъана: ахцегъвийри чпин рушаз рикIе авай еке гуьрмет къалурун яз, ам халкъдин судьявиле хъяна. Гуьгъуьнлай адакай Дагъустандин Верховный суддин коллегиядин член хъана. А вахтунда судьяди халкъдин вилик экъечIна манияр лугъун кутугай кар тушир. Рагъимат лагъайта, анжах искусство патал халкънавай. И шартIара адаз Дагъларин уьлкведиз гъа йисара атай радиоди кумек гана. Ада маса тIварар алаз халкъдин рикI алай манияр «Вацран эквер», «Жейран хала», «Къакъан дагълар», «Билдир бенева», «Аман адахль», «Сувал алай яр» ва гзаф масабур тамамарна. А манийриз яб гузвайбурун тIалабунризи, Дагъустандин радиодин игътияжризи къимет гуналди, 1938-йисуз партиядин Дагъустандин обкомди Рагъимат Гъажиева Верховный суддин членвиле везифайрикай азадна, Дагъустандин радиодиз рекъе туна. «Верховный суддин членар гьикъван хъайитIани жагъуриз жеда, лагъана адаз, амма ви хътин сес авай маса кас чи искусство патал жагъурун четин я. Алад, лагъ манияр, шадар ая чи халкъ...»

Дагъустандин радиода аваз, ада Готфрид Алиевич Гъасановахъ галаз санал лезги халкъдин хейлин манияр кхъин хъуьнуна. Ихътин кумекар чи маса композиторризи авуна. Рагъимат Гъажиевадин репертуар а чIавуз неинки са лезги халкъдин, гъакI Дагъустандин амай вири халкъарин манийралдини ацIана. Рагъимат

Гъажиевадин машгурвал Дагъустандин сергъятрилай хейлин яргъариз акъатна. Гъавилай адаз галаз-галаз: 1940-йисуз Дагъустандин лайихлу артисткавиле, 1941-йисуз Дагъустандин халкъдин артисткавиле тIварар гана.

Ватандин Чехи дяведин йисара Рагъимат Гъажиевадин яратмишунрин ва общественный активвал генани зурбади хъана. А четин йисар рикIел хкиз, Рагъимата кхъенвай: «Дяведин сифте йикъарилай зи итим фронтдиз фена. 1942-йисуз ам телеф хъана. Зун гъевчи пуд аял галаз амуькна. А чIавуз чIехидан анжах 9 йис хъанвай». Ихътин четинвилеризни килиг тавуна, Рагъимата Даградиокомитетдин коллективдихъ галаз санал фронтда авай аскерриз кумек гудай гзаф крарик къил кутуна. Рагъимат Гъажиевадиз гъа чIавуз «**Знак Почета**» орден гана.

Дяведин йисара ам мукъвал-мукъвал хирер хъана госпиталра къатканвай аскерриз ва ва я душмандикай азад хъувур шегъеррин ва хуьрерин агъалийриз концертар гуз физ хъана. Рагъиматан манийри фронтдиз физвай аскерар руьгъламишзавай. Адахъ галаз санал а рекъера Дагъустандин халкъдин шаирар тир Хуьруьг Тагъир, ЦIадаса Гъамзат, АбутIалиб Гъафуров, манидарар тир Патимат Нуцалова, Соня Мурадова, Эра Адибегова, Аминат Ибрагъимова ва маса ксарни хъана. Абурун гъар са рахун, мани, гъакI сегънедал экъечIун аскерри еке ашкъидалди къабулзавай.

Дяведилай гуьгъуьнни йисара Рагъимат Гъажиевадин сес СССР-дин гзаф пипIера машгур хъана. 1953-йисуз ада ислегъвиле терефдаррин Вирисоюздин конференцияда иштиракна. 1956-йисуз Москвада советрин композиторрин манияр ва романсар устадвиле тамамарунай адаз Гуьрметдин диплом гана. 1959-йисуз Рагъимат Гъажиевадин алакьунар адаз РСФСР-дин лайихлу артисткадин тIвар гуналди къейдна.

Рагъимат Гъажиевади 1960-йисуз Москвада киле феи Дагъустандин искусстводинни литературадин Декадада активвиле иштиракна. Адан сесиниз яб гайи Москвадин консерваториядин директор, халкъдин артист А.Свешникова Рагъиматан алакьунриз лап еке къимет гана. Ада Рагъиматан бажарагъ советрин искусствода къетIен вакъна тирди къейдна.

1960-йисан 4-майдиз акъатай СССР-дин Верховный Советдин Президиумдин Указдалди Дагъустандин искусство вилик тухунин рекъе къетIен лайихлувилерай Рагъимат Гъажиевадиз Ленинан орден гана. Мадни са зурба агалкъун адаз 1967-йисуз РСФСР-дин халкъдин артисткадин гуьрметдин тIвар гунихъ галаз алакьалу я. Рагъимат Гъажиевади Москвада, Ленинградда, Ростовда, Бакуда, Тифлисада ва гзаф маса шегъера тамашайрин рикIер вичин ажайиб сесиналди гъейранарна. Ада дуьньядиз Дагъустандин, сифте нубатда лезгийрин манийрин искусство машгурна.

Гъайиф, гъамшалугъ са касни хуьз жедач. Рагъимат Гъажиевани 81 йисан яшда аваз 1990-йисан 9-январдиз чавай къакъатна. Икъван йисара чун Рагъимат галачиз яшамиз жезватIани, чи рикIелай адан сес ва бажарагъ алатзавач.

А.СУНКЪУЛИЕВ,
Россиядин МВД-дин «Ахтынский» МО-дин силесдин дестедин силесчи, юстициядин старший лейтенант

ДИКЪЕТ: ЛУТУВАЛ!

АЛДАТМИШИЗ ТАМИР

Эхиримжи вахтара лутувиле гъар жуьре гьерекатар артух хъанва. Дистанционный лутувални гъабурун жергедай я. Къалп ниятар авай лутуйрин таъсирдик чи райондин агъалияр акагай дуьшуьшарни авачиз туш. Гъавилай Россиядин МВД-дин «Ахтынский» МО-дин силесдин дестеди куь пулдин такъатар ва маса эменни квахъунин вилик пад къунин мураддалди интернет-туьквенрай гъар жуьре шейэр къачудайла, «Интернет» сетда и ва я савда киле тухудайла, банкдин картадай гъахъ-гъисабар ийидайла, тайин къайдайрал амал авун теклифзава.

ИкI, эгер куьн и ва я маса интернет-туьквендин къуллугъ-

чийрин гъакъисагъвиле шаклу ятIа, анрай шейэр къачумир. Жув лутуйрикай хуьдай лап хъсан жуьрейрикай сад интернет-туьквенриз талукъ яз махсус сайтравай отзыврихъ галаз мукъуфдивди таниш хъун я. Жуван картадин номер, кредитдин картадин пароль, гъакIни хатасузвиле код (картадин далу патал алай 3 цифрадикай ибарат тир число) садазни лугъумир.

Avito.ru интернет-сайтда къекъведайла къетIендиз мукъаят хуьхъ. Эгер куьне шей маса гузвайдахъ галаз гуьруьшмиш тахъана ва я маса регионда авай касдивай са вуч ятIани къачузватIа, мукъаятвал къве къатда артухарна кIанда. Avito.ru интернет-сайтда малуматар эцигзавай лутуйрин

къуьруькрик чи райондин хейлин инсанар акатнавайди я. Са вуч ятIани маса гузвай касдин намуслувиле ва гъакъисагъвиле инанмиш тахъанмаз, виликамаз пул санизни ракъурмир. Эгер маса чкада авай туьквенчиди квез вичин паспортдин шикил ракъур ийиз хъайитIа, шаклу хуьхъ. А паспорт аданди ва гъакъикъиди тахъун мумкин я. Ихътин агъвалатарни чи райондин агъалийрал расалмиш хъанва. Са вуч ятIани маса гузвай касди квез вичин паспорт къалурзаватIа, видеоалакьадан кумекдалди а паспортдал адан шикил алайди ахтармиш ая. Куьн адахъ галаз видеоалакьадин кумекдалди рахазвайла, теле-

фондин экрандин скриншот ая. Квез шаклу яз акъазвай интернет-сайтра кредитдин икърарар туькIуьрмир ва ахътин сайтрав хусуи делиларни тамир. Ихътин крарикай гъар жуьредин лутуйри кардин гъавурда аваз менфят къачузва ва инсанривай пулар къакъудзава. Бязибуруз винидихъ къейднавай хътин сайтрай зенгер къезва. И вахтунда рахазвай ксар чеб банкдин къуллугъчийр я лугъузва. Гъар жуьре багнайралди (страховкадай ва документар туькIуьрунай пул гун ва икI мад) абуру, рикIе квевай пул къакъудун аваз, тапарарзава. Ихътин крарал машгул хъанвай лутуйри квез гудай кредит авайди туш.

Инал чпикай суьгъбет физвай хътин краай силес тухун лап четин месэла я. ГъакI лагъайта, бязи вахтара лутуяр Россиядин маса регионра, гъатта маса уьлквейра хъун, абуру къалп документар, регистрация тавунвай телефонрин нумраяр, масадбурун делилар, чпи са къуьнални шак тийизвай агъалийрин банкрин счетар ишлемишун мумкин я. Гзаф дуьшуьшра лутуйрин гьерекатар дуьздак акулдиз тахъана амуькзава. Чна квевай винидихъ къалурнавай чи теклифрал кIевелай амал авун тIалабзава. Ида куьн лутуйрин законсуз гьерекатрикай умудлуказ хуьда.

МАТЕРИАЛРИННИ АЛАТРИН БАЗА МЯГЪКЕМАРЗАВА

1 ←

аялрин бахчадин къуллугъчи Индира Мурсалова, райондин образованидин къуллугъчийрин профкомдин председатель Хайрулла Алиев, РОВД-да яш тамам тахъанвай аялрихъ галаз кВалахзавай инспектор (ПДН) Рафик Кичибегов ва маса юлдашар экъечна.

- Чи къенин йикъан яшайиш, культурадин илимдин дережа ва пакаган хушбахт жележге – вири школадилар, яни ана муаллимрин гъакъисагъ зегъметдилар аслу я, - башламишна вичин нубатда рахунар муаллимриз келунин цийи 2019-2020-йис риклин сидкъидай мубарак авурдалай къуллугъ «Ахцегъ район» МР-дин кыл Осман Абдулкеримова. - Гъавилай образованидин идарайра материалринни чирвилерин алатрин база мягкемаруниз чна къетлен фикир гузва. 2-3 йисан къене эхиримжи саки 35-40 йисара тахъай къван крар кыле тухванва. Шаз республикадин «100 школа» проектдай 3, ции «150 школа» проектдай чехи 5 школадин дараматар капиталныйдаказ ремонтнава, чкадин бюджетдин гъасабдай мад са шумуд школа, «Рассвет» аялрин бахча тукъуьр хувунва; ции Луткунрин хуьруьн школадин (къимет: федеральный бюджетдин 412 млн. манат) эцигунар бегъмарда. Школайра чими туалегар, медицинадин къулай кабинетар кардик кутада.

Гъакъ Ахцегърин къере ял ядай багъ (17 миллионни 600 агъзур манат) тукъуьрда, Мукътадиран тварунихъ галай багъ реконструкция хувунва ва В.Эмирован тварунихъ галай багъда йифен эквер туна хъиз, ишлемишиз вахгуда ва икI мад. И йикъара Ахцегъ РФ-дин сбербанкдин филиал ачухда. Гъелбетда, им са зи ва райадминистрациядин лайихлувал туш. Республикадин ва федеральный гъар жуьре программа кардик кутунвай ва чаз абура иштиракдай мумкинвал гузвай РД-дин Кыл Владимир Васильев сагърай! Фикирдик мукъвал вахтунда райцентрада

чехи спорткомплекс, 120 аялдин чка авай цийи школа, 60 аялдин чка авай садик эцигун ква. Абуруз чилер тайнарнава, проектринни сметайрин документар гъазурзава. Гъелбетда, ибур вири чи жележге тир аялар патал ийизвай крар я.

Гъа са вахтунда алай вахтунда районда образованидин месъляяр эцигнавай гъалдал, муаллимрин зегъметдин нетижайрал гъич разивализ жедач. Эхъ, гъялиз тахъанвай месъляяр чакъ пара ава, абур гъялунал машгъул я. Амма 11 йисуз школадиз къвезхъфизвай 28 аял ции (шаз районда ахътинбур 16 авай) аттестатар авачиз амуькун лап беябурчивилин гъалар я. Сентябрьда алай башламишна, эвелимжи нубатда, гъа и татугайвилел эхир эцигун зажуван гуьзчивилик кутада: имтигъанрин комиссияр дегишарда, зайиф гъар са аял муаллимрин къвачихъ галкурда, гъевесламишдай пулар сифте нубатда гъабурухъ галаз кВалахзавай муаллимриз къведайвал ийида, школайра 10 баллдин къайда твада. Инанмишвилелди къейдин, школада тербиядинни чирвилерин саки 90 процент месъляяр директордин къвалахдилар аслу я. Аялри зайиф чирвилер къалурзавай школайрин директор дегишаруниз мажбур жеда...

Эхирдай Ахцегъ райондин муниципалитетдин регъбер Осман Магъмудович райондин школайрин хъсан кВалахзавай са жерге муаллимриз: (Ф. Султанбегова, Луткунрин СОШ), Р.Гъажиева, М.Мирзоев (Ахцегърин 2-нумрадин СОШ), Н.Къулиева (Цуругърин СОШ), У.Абасов (Ахцегърин 1-нумрадин СОШ), У.Гъажиева (Хуьруьнрин СОШ) Ахцегъ муниципалитетдин кылин патай Гъуьрметдин грамотаяр гана.

Муаллимрин конференция нетижаяр къуналди ва залдавайбуру рейсавилелди райондин образованидин къурулуш вилик тухунин гъакъиндай махсус Къарар (ам РУО-да информациядинни методикадин Центрдин заведиш Заира Муталибовади келна) къабулнади бегъем хъана.

РОССЕЛЬХОЗНАДЗОРДИ ХАБАР ГУЗВА

СЕРГЪЯТДИЛАЙ АХЪАЙНАЧ...

К.МУФТАЛИЕВА,

Россельхознадзордин РД-да авай Управленидин РФ-дин госсергъятдал фитосанитарный гуьзчивалдай ва карантиндин отделдин начальникдин заместитель

Россельхознадзордин РД-да авай Управленидин къуллугъчийри «Яраг-Казмалар» ахъайдай пунктуна емишрин ва салан майвайрин 68 партиядал фитосанитарный ва карантиндин гуьзчивал тухузвай вахтунда 1224 тонн продукция РФ-дин госсергъятдилар инихъ ахъайнач. Пешкарриз а емишрикайни салан майвайрикай гъар жуьре азарар жагъана. ИкI,

Азербайжандай Россиядиз гъизвай таза помидорар, къенсияр, шефтелар, некьяр, тембек сергъятдилар анихъ рахкъурна.

Идалайни гъейри, Ирандай чи уьлкведиз чпик гъар жуьре азарар квай продукция гъизвай 21, Грузиядай ва Турциядай, талукъ тирвал, къуд ва са дуьшуьш къейднава. Къецепатан уьлквейрай гъизвай емишрик ва салан майвайрик чеб карантиндик акагъзавай азарар квайди ФГБУ «ВНИИКР»-дин Дагъустандин филиалда тестиькарна. Талукъ тир закондал асаслу яз, хаталу азарар квай шейэр РФ-диз гъидай ихтияр ганач. И кардай тахсирлу ксар административный жавабдарвиллиз члугунва.

СОДЕЙСТВУЕМ В ТРУДОУСТРОЙСТВЕ БЕЗРАБОТНЫХ ИНВАЛИДОВ НА ОБОРУДОВАННЫЕ ДЛЯ НИХ РАБОЧИЕ МЕСТА

В соответствии с государственной программой Республики Дагестан «Содействие занятости населения», утвержденной постановлением Правительства Республики Дагестан от 14 ноября 2013г. № 587. В ГКУ РД ЦЗН в МО «Ахтынский район» реализуются мероприятия по оказанию содействия в трудоустройстве незанятых инвалидов на оборудованные (оснащенные) для них рабочие места. Данные мероприятия направлены на стимулирование работодателей в приеме на работу инвалидов путем возмещения затрат работодателям на оборудование (оснащение) рабочих мест для инвалидов. Получателями субсидии по этому вопросу являются юридические лица, индивидуальные предприниматели, обратившиеся в соответствующие государственные

казенные учреждения Республики Дагестан - Центры занятости населения в муниципальных образованиях.

Центрами занятости населения субсидии юридическим лицам, индивидуальным предпринимателям предоставляются в пределах объемов бюджетных ассигнований, предусмотренных на указанные цели Минтрудом РД законом Республики Дагестан «О республиканском бюджете Республики Дагестан на текущий финансовый год», доведенных Минтрудом РД Центрам занятости населения как получателям бюджетных средств. Государственная услуга содействия гражданам в поиске подходящей работы в рамках реализации мероприятий по содействию в трудоустройстве инвалидов оказывается гражданам из числа незанятых

инвалидов, зарегистрированным в Центрах занятости населения в качестве безработных, а также обратившимся в Центр занятости населения за содействием в трудоустройстве и не относящимся к категории занятых.

Дополнительную информацию об участии в мероприятиях по оказанию содействия в трудоустройстве незанятых инвалидов на оборудованные (оснащенные) для них рабочие места по государственной программе Республики Дагестан «Содействие занятости населения», утвержденной постановлением Правительства Республики Дагестан от 14 ноября 2013 г. № 587, вы можете получить в ГКУ РД ЦЗН в МО «Ахтынский район» расположенный по адресу: с.Ахты, ул. А.Байрамова 4, тел:55-65-17. ЦЗН в МО «АХТЫНСКИЙ РАЙОН»

МЕРА ГОСУДАРСТВЕННОЙ ПОДДЕРЖКИ РОССИЙСКИХ СЕМЕЙ

Главное Управление ПФР по РД напоминает: право на получение материнского (семейного) капитала предоставляется только один раз. Материнский (семейный) капитал – это мера государственной поддержки российских семей, в которых с 2007 по 2021 год включительно родился (был усыновлен) второй ребенок (либо третий ребенок или последующие дети, если при рождении (усыновлении) второго ребенка право на получение этих средств не оформлялось).

Размер материнского (семейного) капитала сегодня составляет 453 026 рублей. Право на получение материнского (семейного) капитала имеют:

- женщина, имеющая гражданство РФ, родившая (усыновившая) второго, третьего ребенка или последующих детей с 1 января 2007 года;
- мужчина, имеющий гражданство РФ, являющийся единственным усыновителем второго или последующих детей, если решение суда об усыновлении вступило в законную силу с 1 января 2007 года;
- отец (усыновитель) ребенка, независимо от наличия гражданства РФ, в случае прекращения права на дополнительные меры государственной поддержки женщины, родившей (усыновившей) детей, вследствие, например, смерти, лишения родительских прав в отношении ребенка, в связи с рождением (усыновлением) которого возникло право на получение материнского капитала, совершения в отношении своего ребенка (детей) умышленного преступления, относящегося к преступлениям против личности;
- несовершеннолетний ребенок (дети в равных долях) или учащийся по очной форме обучения ребенок (дети) до достижения им (ими)

23-летнего возраста, при прекращении права на дополнительные меры государственной поддержки отца (усыновителя) или женщины, являющейся единственным родителем (усыновителем) в установленных Федеральным законом случаях.

Срок обращения в ПФР с заявлением о выдаче государственного сертификата на материнский (семейный) капитал после рождения (усыновления) второго (третьего или последующего ребенка) не ограничен. Действие сертификата прекращается в случае смерти владельца, лишения его родительских прав в отношении ребенка, в связи с рождением или усыновлением которого возникло право на получение материнского капитала, совершения им в отношении своего ребенка (детей) умышленного преступления, относящегося к преступлениям против личности, а также в случае отмены усыновления ребенка, в связи с усыновлением которого возникло право на материнский капитал, или в связи с использованием средств материнского (семейного) капитала в полном объеме.

В случае утраты сертификата можно получить его дубликат. Вся информация о праве на государственный сертификат, выплатах из средств М(С)К и остатке денежных средств хранится в информационной базе Пенсионного фонда Российской Федерации. **Важно: правильно распорядиться материнским (семейным) капиталом. Средства материнского капитала можно получить только по безналичному расчету. Любые схемы обналичивания этих средств являются незаконными. При этом владелец сертификата на материнский капитал, который соглашается принять участие в схемах обналичивания может быть признан**

соучастником преступления по факту нецелевого использования государственных средств.

Заявление о распоряжении средствами (частью средств) материнского капитала может быть подано в любое время по истечении трех лет со дня рождения (усыновления) второго (третьего или последующего) ребенка. Если необходимо использовать средства материнского капитала на оплату первоначального взноса по жилищному кредиту или займу, а также на оплату основного долга и процентов по кредиту (займу) на приобретение или строительство жилья, на оплату содержания ребенка (детей) и (или) присмотра и ухода за ребенком (детьми) и ухода за ребенком (детьми) в организации, реализующей образовательные программы дошкольного образования, на приобретение товаров и услуг для социальной адаптации и интеграции в общество ребенка-инвалида (детей-инвалидов) или на ежемесячную выплату, то капиталом можно воспользоваться в любое время после рождения или усыновления ребенка, с рождением (усыновлением) которого возникло право на получение сертификата.

Подать заявление о выдаче сертификата или о распоряжении средствами М(С)К можно лично или через представителя в клиентскую службу территориальных подразделений Отделения Пенсионного Фонда РФ по РД, многофункциональный Центр предоставления государственных и муниципальных услуг, через Личный кабинет на сайте ПФР или посредством Единого Портала Государственных Услуг.

РАЙОННОЕ УПРАВЛЕНИЕ ПЕНСИОННОГО ФОНДА РФ

ЧИР ХЪУН ХЪСАН Я

□ **Тупуьз** цаз акъахна, ам акъудиз четин тирла, тлуб са шумуд декъикада чими авунвай набататдин гъерида туртла, цаз регъятдиз акъатда.

□ **Кыл тлазвайла**, са стаканда авай къайи цик хуьрекидин къве тлуруна авай шекер хуькуьрда, ахпа а къаришмадай салфетка къежирна, пелел эцигда. Тлал фад секин жеда.

□ **РикI тлазвайла**, верхи тарцин (береза) таза пешерин къаришма гзаф хийрлу я. Ам икI гъазурда: хуьрекидин къве тлуруна авай пешерал са стакан ргъазвай яд илична, зур сятда тада. Ахпа ам куьзна, чуклуддин кIвенкIвел алай хуьрекидин сода алава хувунва, йикъа 3-4 сеферда гъар 3-4 сятдилар къаришма куьтыгъ жедалди хъвада.

□ **Бронхийрин** астма авайла, хуьрекидин 2 тлуруна авай ракъинин цуькведин таза пешерал са стакан ргъазвай яд илична, 10 декъикада зайиф цал эцигда. Ахпа ам, куьзна, сифте къадарда авайди жедайвал ругунвай яд хъяйна, йикъа 3-4 сеферда фу нез 20 декъикада амайла хуьрекидин 2-3 тлуруна авайди ишлемишда.

□ **1-2 стакада** авай яд хъвайи-

далай гуьгъуьниз мецел пуд тупуь кур кел вегъейтла, къадардилар йигин хъанвай пульс секин жеда, давление агъуз ахъатда, нефес кун акъвазда.

□ **РикIн фад-фад** кВалахзавайла, аптекадай маса гузвай инийрин (бойрышник), пусъриькидин, пиондин, валерианадин настойкаяр (гъар сад 100 мл) ва эквалитдин — 50 мг, пурнийрин — 25 мг. настойкаяр вири са банкадиз ичирна, аниз 10 твар михекар (гвоздика) алава хувунва, банкадал къалпагъ гъалдна, къве гъафтеда мичи чкада эцигда ва ара-ара банка юзурда. Ахпа, йикъа 3-4 сеферда 25 г циз 25 стлал и къаришма вегъена, хъвада. Ада нервиар ва кыле, япара авай сес секинарда, гъа жергедай яз мефтледин ивидин давление, риклин кВалах къайдадик кутада.

□ **Шекердин азар** авайбуру, гъар экъунахъ ичли риклелай са вацран вахтунда чранвай чичек ишлемишайтла, беденда шекердин къадар къайдадик жеда.

□ **Бурандин цилер** гзаф азарин дарман я. Абуру ратарин кВалах къайдадик кутада, гъакIни а цилер предстательный железадин азарин

вилек пад кун патални ишлемишзава. 250 г цилер як регъевдай машиндай авадарна, са тIмил виртни хуькуьрна, гъар экъунахъ чайдин са тлуруна авайди шалфейдин чайдихъ галаз ишлемишун гзаф хийрлуни я, тIямлуни.

□ **Катаракта авайла**, са ичин юкъ михи авуна, аниз вирт вегъена, кланик патай тIвек акъудна, стаканда эцигна, пакамдалди тада. Экъунахъ стакандиз авахънавай миже йикъа къве сеферда гъар са вилиз 2 стлал вегъена.

□ **Кылин къати** тIалар авайла, 20 г прополис 100 г спиртада ва я са стаканда авай эрекьда цлурурда. Кылин тIал башламишнамазди, фан кIусунал настойкадин 40 стлал вегъена неда. ТIал фад секин жеда.

□ **КIвачер дакIунвайла**, кушдин (лен) тум ругур гъалима хун хийрлу я. Ам икI гъазурда: чайдин къуд тлуруна авай кушдин тумунал са литр яд илична, 10-15 декъикада ругуна, катул чими чкада эцигна, са сятда тада. Гъалима куьз тавуртани жеда. Дад хъсан хун патал аниз лимондин ва я маса майвадин миже яда. Гъалима гъар къве сятдилар йикъа 6-8 сеферда куз-куз стакандин къатIа авайди хъвада. 2-3 гъафтедилар куьне нетижа гъиссда.



